

Ժողովրդական ընթերցանութեան համար:
ՀՐԱՏԱՐԱԿՈՒԹԻՒՆ ԱՆԴԷՐՍՕՆԻ № 1.

ՀՆՆՐԻԻ ՄԻՆԿԵՒԻՉ

ԵՐԱԺՂՏԱՄԷՐ ԵԱՆԿՈ

Թարգմանեց
ՏԻԿ. ՅՈՎՀԱՆՆԻՍԵԱՆՑ

Թ Ի Ֆ Լ Ի Ձ

Արագածիկ Ա. Բուքարեւանէ, ՆԻԿ. 31.

1905



Ժողովրդական ընթերցանութեան համար:
ՀՐԱՏԱՐԱԿՈՒԹԻՒՆ ԱՆԴԷՐՍՕՆԻ № 1.

ՀԵՆՐԻԻ ՍԻՆԿԵՒԻԶ

ԵՐԱԺՋՏԱՄԷՐ ԵԱՆԿՕ

A $\frac{I}{13429}$

Թարգմանեց
ՏԻԳ. ՅՈՎՀԱՆՆԻՍԵԱՆՑ



Թ Ի Ֆ Լ Ի Զ

Արագատիպ Ա. Զուլաթեյաճեի, Նիկ. 21

1905

Довол. цензурою Тифлисъ, 11 августа 1905 г.

Ծնունդեցաւ մի երեխայ, նիհար էր նա և թոյլ։ Հարեանները հաւաքուելով ծննդկանի անկողնու շուրջը, ողջունում էին թէ մօրը և թէ երեխային։ Գուզնեչիխա Չիմամով անունով մի կին, որը բոլորից փորձուած էր, իւր մխիթարական խօսքերով սկսեց հանդստացնել հիւանդին։

Տուր. ասաց նա. — ես կրվառեմ մեղրամօմը և կրխնդրեմ Ամենակարող Աստուածանից, որ տայ քեզ առողջութիւն, բայց սանամայր. քո առողջութեան մասին ոչինչ չի կարելի յուսալ. հարկաւոր կը լինի ուղևորել քեզ միւս աշխարհը, ուր կը գտնես քեզ համար յաւիտենական հանգիստ և անդորր կեանքը, իսկ այժմ պէտք է կանչել քահանային, որ պէսզի նա քո մեղքերը քաւէ։

— Իսկ մանկանը, ասաց միւսը, — հարկաւոր է շուտով մկրտել, որովհետև նա մինչև քահանայի գալուստը կենդանի չի մնալ և լաւ չի լինի՝ որ մեռնի առանց մկրտելու, միթէ մի քրիստոնէի մանուկը, այն աշխարհում չպէտք է արժանանայ տեսնելու Փրկչի ս. երեսը։ Այս ասելուց յետոյ, վառեց մեղրամօմը. յետոյ վերցրեց երեխային, ցանեց նորա վերայ ջուր, որից նա սկսեց աչքերը բաց ու խուփ անել ու վերջապէս ասաց.

— Մկրտում եմ քեզ անուն Հօր և Որդւոյ և Սրբոյ Հոգւոյն ու տալիս եմ քեզ Ծանա անունը, իսկ այժմ դու քրիստոնէական հոգի, գնա այնտեղ, որտեղից որ եկել ես, այժմ կարող ես այն աշխարհում քրիստոնէից շարքը դասուել:

Բայց քրիստոնէական հոգին բոլորովին տրամադրութիւն չունէր գնալու այնտեղ, որտեղից որ եկել էր և թողնել իւր նիհար մարմինը, այլ ընդհակառակը, սկսեց շարժել այդ մարմինը ինչպէս որ կարողանում էր և լաց լինել, թէպէտ թոյլ և մի այնպիսի ողորմելի ձայնով, որ ինչպէս յետոյ սանամայրերը ասում էին. «Յիշելն անգամ ծիծաղելի է, թէ կատուի ձագ է. կատուի ձագ չէ բայց լալիս է»:

Ուղարկեցին քահանայի ետեից: Եկաւ նա և ինչ որ հարկաւոր էր կարգադրեց ու գնաց: Հիւանդը փոքր ինչ առողջացաւ, այնպէս որ մի շաբաթից յետոյ դուրս գնաց իւր աշխատանքին, իսկ մանուկը դարձեալ լալիս էր. այդպիսով հասնում է տասը տարեկան հասակի:

Նիհար էր նա ու այբուած արեգակից. ուռած փողով և սեղմուած այտերով, մազերը խճճուած ու համարեա թէ ճերմակ հասնում էին մինչև պայծառ ու դուրս ընկած աչքերին, որոնք նայում էին աշխարհին այնպէս, ինչպէս մի անհուն տարածութեան վերայ: Չմեռը նա նստած էր վառառանի մօտ և մեղմ հեկեկում ցրտից, կարծես թէ քաշուած էր օտարից, երբեմն էլ սովից, երբ մայրը փայտ չունէր վառառան վառելու ու մի աման կերակուր պատ-

րաստելու. Ամառը շապկով էր ման գալիս, գոտին պարանի կտորից էր, իսկ գլխարկը ծրդնոտեայ, որի պատառոտուած ափերից նայում էր աշխարհին, ինչպէս մի թռչուն երկնքին նայելիս:

Մայրը, իբրև մի աշխատասէր և օրէցօր ապրուստի միջոցը հայթայթող, ինչպէս ծիծեռնակը օտարի կտուրի տակ, գուցէ սիրում էր իւր երեխային մայրական ջերմ սիրով, բայց շարունակ ծեծում էր նորան ու անուանում. «ապօրինի ծնունդ»:

Ահա ութերորդ տարին է լրանում, ինչ Յանը ծոմապահութեան մէջն էր գտնուում. իսկ երբ խրճիթում ուտելու բան չէր գտնում, գնում էր անտառը սունկ հաւաքելու. որպէսզի գոնիա նրանով կարողանար լքցնել իւր քաղցած փորը. բայց ինչպէս եղաւ որ նրան այրտեղ գայլերը շկերան, այդ միմիայն Աստծուն է յայտնի:

Նա երկչոտ երեխայ էր. ընդհանրապէս. ինչպէս գիւղական բոլոր երեխաները ուրիշների հետ խօսելու ժամանակ մատները բերանն կոխում և ահա այնպիսի սովորութիւն ժառանգեց նաև Յանը: Ոչ ոք չէր կարծում թէ նա կրմեծանայ, նա մանաւանդ, որ մայրը բոլորովին չէր կարծում թէ նրանից մի որևէ բան կարելի կը լինի սպասել: Նա ընդունակ չէր աշխատանքի:

Յայտնի չէ, թէ ինչպէս պատահեց, որ նա կարողացաւ միմիայն մի գործի մէջ սէր ցոյց տալ, այն է երաժշտութեան մէջ: Ամեն տեղ նա

լսում էր այդ և շատ սիրահար էր նուազածու-
թեան, երբ փոքր ինչ մեծացաւ, ուրիշ ոչ մի
բանի վրայ չէր մտածելու: Որովհետեւ նա յա-
փրշտակուած էր երաժշտութեան ջերմ սիրուց:
Պատահած դէպքում. երբ նա գնում էր անտա-
ռը անասունների ետևից և կամ կողովով ան-
տառային պտուղները հաւաքելու, Վերադառնում
էր դատարկ և ասում էր մօրը թլուատ լեզուով.
— Մայրիկ, այնտեղ անտառում ինչ որ նւագում
էին: Ո՛հ: Ի՛նչ հիանալի էր: Իսկ մայրը նորան
պատասխանում էր.— Ահա շարածճի, ես քեզ
նւագել ցոյց կըտամ, ես քեզ կըպատժեմ և այն
ժամանակ դու կըճանաչես ինձ:— Մայրը երա-
ժշտութիւնը ցոյց էր տալիս ծեծով: Մանուկը
ցաւից բացականչում էր. խօստանալով. որ այլ
ևս չի անիլ, բայց իզուր, այդ երաժշտութիւնը
մի այնպիսի խոր տպաւորութիւն էր թողել նո-
րա վերայ. այնպէս՝ որ ոչ մի ծեծ և ոչ մի եր-
կիւղ չէին կարող մոռացնել տալ նորան. չէին
կարող մոռացնել տալ նորան, չէին անհետա-
նում նորա մտքից. նա շարունակ մտածում էր.
որ այնտեղ անտառում, ինչ մի բան որ նւագում
էր: Բայց ի՛նչ, ն:ս գիտէր այդ, գիտէր որ մո-
րենիներ, եղևնիներ և ուրիշ շատ ծառեր էին
նւագում, համարեա ամբողջ անտառը, և նոյն
իսկ այդ ամենը— բնութիւնը:

Դաշտում, նորա դէմ, նւագում էր ժպտալով
գարնան առաջին ձնծաղիկը. խրճիթի մօտի
այգում ճուվողում էին ճնճղուկներ, կերասենի-
ները դողդողում էին և արձագանք տալիս: Ահա

Յանկօն յափշտակուած կնութեան այսպիսի մի հրաշալի երաժշտութիւնից, երեկոները լսում էր ուշադրութեամբ այն բոլոր ձայները դայլալիկները, որոնք հասնում էին գիւղից և նա կարծում էր, թէ ամբողջ գիւղն է նւագում: Երբոր նորան ուղարկում էին աշխատանքի—կենդանիների խուշկին խառնուելու. նոյն իսկ նորա ականջին խաղում էր քամու շվշվոցը:

Մի անգամ երբ նա կանգնած էր իւր գրգգոլակ մագերով և լսում թէ ինչպէս քամին շվշվում է փայտեայ եղան մատների միջով. նը կատեց Յանկոյին հսկողը և զօտին քանդելով մէջքից, սկսեց ծեծել... Բայց այդ բոլորը իզուր էր: Մարդիկ անւանում էին նորան «Երաժշտասէր Յանկօ: Գարնանը փախչում էր տանից, գետակի ափը, եղեգնեայ շիններ շինելու: Գիշերները, երբ գորտերը սկսում էին կռկռալ. թռչունները բուն շինել, և աքաղաղները ծուղրուղու կանչել, ցանկապատի վերայ, Յանկօն քնել չէր կարողանում այլ միշտ լսում էր և ինչպիսի ներդաշնակութիւն էր գտնում այս բոլորի մէջ. Աստուած գիտէ: Մինչև անգամ մայրը իրա հետ եկեղեցի վերցնել չէր կարողանում, որովհետև երբ դաշնամուրը նւագում էր և տարածւում խմբի քաղցր ձայնը, կարծես թէ երեխայի աչքերը ծածկւում էին մառախուղով և այդ աչքերը նայում էին դէպի մի ուրիշ վերացական աշխարհ... Պահապանը, որը ման էր գալիս գիւղի չորս կողմը հսկելու նպատակով, բունը շտանելու համար համարում էր երկնքի աստղերը, և

երբեմն էլ ցածր խօսում շների հետ. մի քանի անգամ տեսաւ Եանայի սպիտակ շապիկը որը մթութեան մէջ մօտենում էր խրճիթին, բայց նա գնում էր, ոչ թէ խրճիթը մտնելու, այլ թագնուելով այնտեղ պատի տակ և նայում էր, թէ ինչպէս մարդիկ լեհական պարեր էին պարում և երբեմն միորևէ պատանի, բացականչում էր «Ու-գա»:

Հսելի էր թէ կօշիկների տոփիւնը և թէ աղջկերանց ձայնը. բայց ինչ, ջուլթակը հանդարտ էր նւագում. «Գուտենք, կխմենք և կուրախանանք» իսկ կանտրաբասը մեղմ ձայնով կրկնում. «Ինչպէս Աստուած տուեց, ինչպէս Աստուած տուեց»: Պատուհանների առաջ դարսուած էին ճրագներ, այնպէս որ բոլոր սենեակները լուսաւորուած էին վառ լուսով և ամեն տեղ տիրապետում էր կենդանութիւն իսկ Եանկօն բոլոր ժամանակ լսում էր: Նա կտար ամեն բան, ոչինչ չէր խնայի, եթէ միմեայն միջոց ունենար, այն ջուլթակը ձեռք բերելու համար, որ այնպէս հրաշալի նուագումը «Գուտենք, կխմենք և կուրախանանք»: Այդպիսի տախտակի կտորից շինուած մի բան որտեղից են ձեռք բերում, ո՞վ է շինում նորան. գոնի՛ն, գէթ մի անգամ տային նորա ձեռքը այդպիսի մի բան, որով կարողանար իւր ծարաւը յագեցնել, բայց որտեղից, նորար կարելի էր միայն լսել, այն լսել մեծ ծաւալով և յափշտակուած. մինչև այն ժամանակ, մինչև որ հսկողի ձայնը չտարածուեց. «էյ դու սատանայ, տուն գնալու ժամանակ չէ:

Իսկոյն վագեց նա այնտեղից իւր բոբիկ ոտնե-
րով և ջութակի քաղցր ձայնը ճանապարհին
հասնում էր նորան, որը նւագում էր «Գուտենը»,
կրխմենք և կուրախանանք և կոնտրաբասի փա-
ռաւոր ձայնը—ինչպէս Աստուած տուեց»:

Նորա համար մեծ տօն էր այն ժամանակ,
երբ կարողանում էր ջութակի ձայնը լսել, թող
նա լինէր հարսաքնիքում կամ խնճոյքում: Նա
վեր սողաց վառառանի վերայ և լուռ նայում
էր իւր փայլող աչքերով մթութեան մէջ, ինչ-
պէս մի գող կատու: Եանկօն, ծառի կեղևից և
ձիւն մագերից շինեց իրա համար մի ջութակ,
բայց կարծես թէ նա չէր ցանկանում նւագել
այնպէս լաւ և քաղցր ինչպէս երաժշտական
ջութակը և նա արձագանք էր տալիս այնպէս
մեղմ և թոյլ, որ նորա ձայնը նմանւում էր
ճանճի բզոռցին: Եանկօն նորա վերայ նւագում
էր առաւօտուանից սկսած մինչև երեկոյ, թէ-
պէտ նորա համար այնքան ծեծւում էր, որ վերջ
ի վերջոյ դառնանք կարծես մի թոշմած խնճոր:
Բայց նա դարձեալ չէր յուսահատւում նա, որով-
հետև նորա բնութիւնը, կամքը ամուր էր և նո-
րա սէրը դէպի երաժշտութիւնը:

Երեխան, հետզհետէ աւելի և աւելի լղարում
էր իրան տանջող վառ սիրուց, մագերը խտա-
նում, աչքերը աւելի լայն էին բացւում և շա-
րունակ լկցւում դառն արտասուքներով: այտե-
րը և կուրծքը աւելի խառն էին թափւում: այն-
պէս որ նա միւս երեխաներին չէր նմանւում.
և աւելի նմանւում էր իւր կեղևից շինած ջու-

Թակին, որը հազիւ հազ զնգղնգում էր: Մինչև նոր հացի ձեռք բերելը, նա համարեա թէ մեռնում էր սովից և սնւում էր թաց գազարով և ջութակ ձեռք բերելու փափագով: Այս փափագը նրա համար բարի յետևանք չունեցաւ: Հարուստ աղայի ծառան մի ջութակ ունէր, և երբեմն երեկոյեան պահերին նւագում էր, որպէսզի դուր գար իւր հարուստ աղայի նաժիշտին: Եանկօն երբեմն սողում էր առաջ տան դռան արանքից: որպէսզի տեսնէր և լսէր ջութակի ձայնը: Նա կախուած էր պատից, դռան դիմաց, իսկ երեխան ազահութեամբ նայում էր այնպէս, կտրժես իրա համար մի անհասանելի սրբութեանը, որին նոյն իսկ մեղք էր համարում շօշափել, բայց և այնպէս նա սարսափելի ցանկանում էր այդ, Գոնիա գէթ մի անգամ վերցնել ձեռքը և մի լաւ նայել նորան: Այս միտքը տանջում էր նորան և հանգստութիւն չէր տալիս և փոքր թշուառ սիրտը դողդողում էր ուրախութիւնից, կարծելով թէ կարող է այդ ձեռք բերել: Մի անգամ սեղանատունը դատարկ էր, տանտէրերը վաղուց արտասահմանումն էին ապրում, ծառան նստած էր, տան միւս կողմը, աղայի նաժիշտի մօտ. իսկ Եանկօն թագնուելով, դռան ճեղքից վաղուց նայում էր իւր ցանկացած նպատակին: այն է ջութակին: Լուսինը իւր լուսաւոր ճառագայթները արձակելով սեղանատան պատուհանների վերայ, լուսաւորում էին նրանց քառակուսի ձեւով մի լոյս արձակելով հակառակ պատի վերայ, այդ լոյսը կամաց կամաց մօտենում էր դէպի

շուժակը, որին ձեռք բերելու համար Եանան
երկար ժամանակ սպասում էր սրտատրոփ և
տխուր, և վերջապէս լուսաւորեց, նամանաւանդ
լուսաւորուած էր շուժակի դուրս ընկած տե-
ղերը և այնպէս փայլուն էին որ Եանկօն նայել
անգամ չէր կարողանում...

Ախ, այս տեսարանը շատ հիանալի էր. հա-
մարեա թէ երևակայական. Եանկօն մեծ առա-
գութեամբ էր նայում, դռան ետևը թագնուած
և ընկած իւր նիհար ծնկների վերայ, բաց բե-
րանով նա անդադար նայում էր ու նայում...
Երբեմն երկիւղն էր կանգնեցնում իւր տեղը և
երբեմն էլ մի անյաղթելի ոյժ դէպի առաջ էր
մղում նորան. — Ի՞նչ կախարդութիւն է այս. մտա-
ծում էր նա... կարծում էր որ միմիայն լուսա-
ւորուած շուժակը մօտենում. սաւառնում էր դէ-
պի իրան... երբեմն նա մռայլում էր, որպէսզի
նորից աւելի զօրեղ լուսաւորուի:

«Կախարդութիւն է այս, այն կախարդու-
թիւն»: Այդ ժամանակ քամին փչեց, հանդարտ
կերպով ծառերն սկսեցին իրենց շվշվոցը, տե-
րևները շարժուել և Եանկօն պարզ լսում էր.

Արի Եանկօ, սեղանատանը ոչ որ չըկայ,
արի Եանկօ մի վախենար...

Գիշերը լուսաւոր էր, այգում, լճակի վերայ
երգեց սոխակը, թէ ցածր և թէ բարձր. — արի.
գնա. վերցրու: Յարգելի բուն կամաց թռաւ ե-
րեխայի գլխի վերայով և բացականչեց. «Ո՛չ.
Եանկօ, մի գնա, մի վերցրու: Բայց բուն թռաւ.
խսկ սոխակը մնաց և տերևները պարզ շշնջում

էին. «այնտեղ ոչ ոք չկայ»: Ջութակը նորից լուսաւորեց աւելի պայծառ:

Խեղճ փոքր արարածը դանդաղ և զգոյշ կերպով առաջ խաղաց, իսկ սոխակը մեղմ շրտում էր «արի վերցրու, և տար»:

Սպիտակ շապիկը մօտենում էր սեղանատան դռանը, այժմ սև տերևներ չէին ծածկում նորան, տան շէմքի վերայ լսում էին հիւանդ երեխայի դառն հառաչանքները. էլի մի բոպէ. և թշուառ սպիտակ շապիկը անյայտացաւ և միմիայն բոբիկ ոտները մնում են շէմքի ետև: Իզուր բուհիկ, դու դարձեալ թռչում ես. և խուպոտ ձայնով բացականչում. «չէ, մի վերցրու»: Եանկօն արոէն սեղանատանն էր: Նոյն բոպէին ճահճի բազմաթիւ գորտեր սկսեցին կռկռալ և յետոյ հանգստացան, լռեցին. սոխակը հանդարտուեց. տերևները նոյնպէս և ահա այժմ մեռելային լուլթին էր տիրում, այն ժամանակ Եանկօն կամաց կամաց առաջ սողաց, բայց երկիւղը թագաւորում էր նորան, տերևների տակ զգում էր, որ կարծես թէ իւր տանն էր. իսկ այժմ նա իրան զգում էր, ինչպէս վայրենի գազանը թակարդի մէջ: Նորա շարժումը արագացաւ, և կուրծքը սկսեց արագ. արագ բարախել և հառաչանքներ արձակել և Եանկօյին խաւարը պատեց: Ամառային մեղմ արշալոյսը, թռչկոտա՜նով երկնքում. մի անգամ էլ լուսաւորեց սեղանատան ներսը և Եանկեն ծնկաչօք, սողալով մօտեցաւ ջութակին և գլուխը վեր բարձրացնելով ավշած դիտում էր. բայց ճառագայթը հան-

գաւ և թագկացաւ ամպերի տակ և այնուհետև
այնտեղ ոչինչ չէր կարելի տեսնել և լսել։ Սե-
ղանատանը մեռելային լռութիւն էր տիրում և
լռութեան մէջ Յանկօին աշխատում էր հասնել
իւր նպատակին, այն է ձեռք բերել ջութակը և
աղատուել այն բոլոր տանջանքներից, որոնք
այդ բոպէին շրջապատել էին թշուառ երեխա-
յին։ Նորա սիրտը չէր հանգստանում այլ արագ
և արագ բարախելով հալ ու մաշ էր անում
նորան, դժուար իր նորա դրութիւնը, նա ու-
զում էր վայր բերել ջութակը և յանկած այդ
մեռելային լռութիւն տիրող սեղանատանը տա-
րածուեց. մի մեղմ և առատ ձայնը. կարծես
թէ մէկը անզգոյշ կերպով դիպաւ ջութակին և
յանկարծ... մի ինչոր կոպիտ, քնաթաթախ ձայ-
նը, որը դուրս էր գալիս անկիւնից բարկու-
թեամբ հարցրեց. «Ո՞վ կայ այնտեղ»։

Յանկօն երկիւղից շնչառութիւնը ընդհա-
տեց. բայց կոպիտ ձայնը նորից հարցրեց—«Ո՞վ
կայ այնտեղ»։ Ով որ վառեց լուծկին լուսաւո-
րուեց սեղանատունը, իսկ յետոյ... Ո՞հ Տէր
Աստուած, ինչեք կատարուեց Յանկօյի վերայ,
և ինչ էր նորա դրութիւնը։ Լսում էին հայհոյ-
անքներ, կռիւ, երեխայական լացը, աղմուկը.
սմմ ասում էր. «Ո՞հ, ի սէր Աստուծոյ»,

Միւս օրը խեղճ Յանկօն կանգնած էր դա-
տաւորի առաջ և պէտք է դատէին նորան ինչ-
պէս գողի, ինչպէս յանցաւորի, ի հարկէ։ Նայե-
ցին դատաւորները ինչպէս նա կանգնած էր
նրանց առաջ, բեռանին դրած մատով, դուրս

Թափուած վախեցած աչքերով. փոքր, նիհար,
ջարդուած, չճանաչող, թէ որտեղ է նա և ինչ
են ուզում նորանից... ինչպէս կը դատես նորան,
նա մանաւանդ, որ նա դեռ տասը տարեկան է
և հազիւ հազ կարողանում է ոտի վերայ կան-
գնել, փակել բանտում. կամ ուրիշ ինչ անել...
Յամենայն դէպս, փոքր իշատէ բարեգութ պէտք
է լինել. Թող նորան վերցնի պահապանը և
պատժէ, որպէսզի միւտ անգամ չհամարձակուի
նա փորձել գողութիւն և գործը վերջացած է:
Ահա խեղճ Եանկոյի դատավճիռը:

Գանչեցին պահապանի կնոջը. — վերցրու
նորան և լաւ ծեծիր, այնպէս որ նա յիշէ: Գինը
գլուխ տուեց իւր գազանական գլխով, վերցրեց
զանկոյին ձեռքը բռնած իբրև մի կատուի ձագ
և դուրս բերեց ներքնայարկը: Երեխան կամ չէր
հասկանում թէ ինչ էր կատարում իւր շուրջը
կամ թէ վախեցած էր և ոչ մի ձայն չէր հանում,
միմիայն նայում էր այնպէս, ինչպէս թակարդի
մէջ բռնուած թռչուն: Մի՛թէ նա գիտէր թէ ինչ
պէտք է անէին նորան. ներքնայարկը տանելուց
յետոյ, պառկացրեց գետնի վերայ, շուռ տուեց
շապիկը և սկսեց ծեծել, և ահա Եանկոն այժմ
միայն հասկացաւ իւր պատիժը և բացականչեց.
«Մայրիկ» Եւ երբ անգութ կինը ծեծում էր նո-
րան մտրակով, այն ժամանակ նա ասում էր.
«Մայրիկ, մայրիկ». և նա այդ խօսքերը արտա-
սանում էր ցածր և ցածր. թոյլ և թոյլ, վերջա-
պէ՛տ այնքան գազանական ծեծից յետոյ երե-

խան լուեց և այլևս «մայրիկ» չէր բացականչում...
Խեղճ ջարդուած ջուլթակ...

Ա՛խ, դու կոպիտ և աննուլթ կին, ու՛րքեր են
այդպէս ծեծում երեխաներին? առանց այն էլ
նա փոքր էր, այնպէս թոյլ, նիհար և միշտ հա-
զիւ շնչում...

Եկաւ մայրը երեխային տանելու և այնպէս
թուլացած էր նա, որ ստիպուած էր ձեռքերի
վրայ, գրկած տանել նորան... Միւս օրը Ծան-
կօն չվերկացաւ իսկ երրորդ օրը մեռաւ նա թա-
ղիկ վերմակի տակ:

Ծիծեռնակները ճովողում էին կեռասիննե-
րի վերայ, որոնք կանգնած էին խրճիթի մօտ,
արեգակնային ճառագայթը ներս ընկաւ պատու-
հանից և իւր ոսկեզօծ լոյսով լուսաւորեց խճը-
նուած երեխայի գլուխը և երեսը: Այս ճառա-
գայթը թանգագին էր, որի ճանապարհով պէտք
է գնար փոքր երեխայական հոգին դէպի առ
Աստուած:

Մահուան ժամանակ՝ երևեցաւ այդպիսի,
արեգակնային, լուսաւոր լայն ճանապարհը, որը
կարծես թէ խօստանում էր այն աշխարհում
ուրախ և հանդարտ կեանք. իսկ այս աշխարհում
կեանքը կարճ էր, անցուկ և փշալից, սակայն
նորա սիրտը բարախեց վերջին շնչով, իսկ դէմ-
քը պարզ, կարծես թէ յառած լսում էր բաց
պատուհանից լսում էր ծառերի տերևների շը-
շոյչիւնը: Երեկոյ էր, աղջիկները վերադառնալով
խոտաքաղից երգում էին. «Ո՛հ կանաչագարդ,
ո՛հ մարգագէտին»: Գետակի կողմից տարածոււմ

A
13429


էին փողերի ձայններ: Եանկօն վերջին անգամ
ականջ էր դնում, թէ ինչպէս գիւղը ցնծում էր
Նորա դիմաց, վերմակի վերայ դրուած էր կե-
դեայ ջութակը: Յանկարծ մեռնող երեխայի
երեսը պարզուեց և գողգողուն շրթունքները
շնչացին.— Մայրիկ...

Ինչ է որդեակ, պատասխանեց մայրը, ո-
րին արտասունքը այնպէս խեղտում էին:

Մայրիկ: Երկնքումը Աստուած ինձ իսկա-
կան ջութակը կտայ:

— Կտայ որդեակ, կտայ, պատասխանեց
մայրը, Կորանից աւելի նա ոչինչ չէր կարողա-
նում ասել, մինչև այժմ Նորա ամուր սիրտը
թուլացաւ աւելացող վշտերից, նա կարող էր
միմիայն հեկեկալ, «Ո՛հ Յիսուս, Յիսուս», Երե-
սով վայր ընկաւ արկղի վրայ և սկսեց հեկեկալ
ինչպէս մի խելագար, նա աշխատում էր ազա-
տել իւր թանկագին էակին անգութ մահուան
ճանկերից, բայց չկարողացաւ. բարձրացնելով
գլուխը, նա տխուր նորից նայեց Եանկօյի վե-
րայ: Փոքր երաժշտի աչքերը բաց էին և ան-
շարժ. երեսը լուրջ էր, մուայլ և տխուր: Լուսա-
ւոր ճառագայթը անյայտացաւ: Հանգիստ ոսկե-
բացդ, Եանկօ,

Միւս օրը, աղաները եկան Իտալիայից,
եկաւ և տանտիկինը: «Ինչ հիանալի տեղ է Ի-
տալիան:— Եւ ինչ երաժշտասէր ժողովուրդ, ինչ
բաղդաւորութիւն կլընէր որոնել այնտեղ տա-
ղանդներ և օգնել նրանց... աւելացրեց աղան. Իսկ
Եանկօյի գերեցմանի վերայ շնչում էին տերևներ:




ԳԱՆ Հիմնարար Գիտ. Գրադ.



FL0052655

504.7
~~p.~~

504



ԳԻՆՆ Է 5 ԿՈՊ.